

大乘瑜伽金剛性海曼殊室利千臂千鉢大教王經序以

大興善寺三藏沙門大廣智不空奉 詔譯

叙曰大唐開元二十一年歲次癸酉正月一日辰時於薦福寺道場內金剛三藏與僧慧超授大乘瑜伽金剛五頂五智尊千臂千手千鉢千佛釋迦曼殊室利菩薩祕密菩提三

序一

摩地法教遂於過後受持法已不離三藏奉事經于八載後至開元二十八年歲次庚辰四月十五日聞奏開元聖上皇於薦福寺御道場內至五月五日奉詔譯經卯時焚燒香火起首翻譯三藏演梵本慧超筆授大乘瑜伽千臂千鉢曼殊室利經法教後到十二月

十五日翻譯將訖至天寶一年二月十九日金剛三藏將此經梵本及五天竺阿闍黎書並總分付與梵僧目叉難陀婆伽令送此經梵本并書將與五印度南天竺師子國本師寶覺阿闍黎經今不迴後於唐大曆九年十月於大興善寺大師大廣智

三藏和尚邊更重諮啓決擇大教瑜珈心地祕密法門後則將千鉢曼殊經本至唐建中元年四月十五日到五臺山乾元菩提寺遂將舊翻譯唐言漢音經本在寺至五月五日沙門慧超起首再錄寫出一切如來大教王經瑜伽祕密金剛三摩地三密聖教法門述

經祕義諸佛出世應物隨形志求者智鏡玄通念之者無幽不入根緣感赴必藉此經登菩提山除去邪執契傳二密得究瑜珈祕要法門窮理微妙身口意業用智修持戒定慧學顯現通達證如來地以信為首乘般若舟速超彼岸今述曼殊之德靈跡疏伽聖覺無

方神力潛運以多塵劫悲願不住菩提一主無二尊見為菩薩自茲金色世界來其忍土之中於清涼之山導引羣品而即現燈現雲及萬菩薩信生竒特現光現相人身皆發正智為因利益三世蒼生有趣願到菩提次略舉經都題序目大乘瑜伽金剛性海總攝一

切法金剛五頂五智尊現大聖昇殊室利菩薩顯千臂千手千鉢化千釋迦灌頂昇荼羅一切諸佛修證如來金剛菩提具足一切法入毗盧遮那五金剛界聖智圓通入如來佛心三密三十支金剛智鏡聖道性海故

又序一

二

何法本立為五門

一者無生門 二者無動門 三者平等門

四者淨土門 五者解脫門

云何經教說有九品

一者一切如來金剛秘密根本聖教品 二者諸佛出現證修金剛菩提殊勝品 三者

十方大菩薩出助證寤聖力品 四者一切賢聖入法見道顯教修持品 五者秘密歸止觀照法性決擇心地品 六者一切菩薩修學如來三摩地聖性潛通加被品 七者不思議法界聖道如來真如法藏自在聖智品 八者三賢菩薩入法位次第修行迴向

菩提品 九者十聖菩薩入地等妙二位修

學進入聖道成佛菩提解脫品

就此五門之中從第一門云何次第得入無生門一者入阿字觀本寂無生義毗盧遮那如來說根本清淨無生門就此門中演有二品一者先說一切如來金剛秘密根本聖教

品二者後演諸佛出現證修金剛菩提殊勝品次說經頌

稽首如來法性身 毗盧遮那清淨體

報化應現等如空 般若無邊得自在

四智神用密加持 慧海無窮徧一切

法界真如空無相 本在有情體性裏

又

三

聖智力入識種中 金剛迅疾同等體

如來法藏囑昇殊 秘密流通無障礙

昇荼灌頂授職位 一切如來摩頂記

瑜伽三密志求成 速達本源登佛地

千臂昇殊蓮華會 金剛等持付一切

五智潛通加被心 出到菩提證實際

大乘瑜伽金剛性海昇殊室利千臂千鉢大教主經卷第一
如是我聞一時釋迦牟尼如來在摩醯首羅
天王宮中於毗楞伽寶摩尼寶殿中如來在
百寶摩尼寶座上與共毗盧遮那如來於金
剛性海蓮華藏會同說此經與無量大梵天
王等并與微塵數一切菩薩摩訶薩衆說毗

盧遮那如來法界性海秘密金剛界蓮華臺
藏世界海於中有大聖昇殊室利菩薩現金
色身身上出千臂千手千鉢鉢中顯現出千
釋迦千釋迦復現出千百億化釋迦亦時釋
迦牟尼世尊其時在大會衆中於是百寶座
上告普賢等十六大士菩薩及一切諸大菩

薩摩訶薩諦聽諦聽今說毗盧遮那如來往
昔聖力加持令法界有情一切菩薩衆修證
昇殊室利秘密金剛心三摩地所有菩薩及
一切衆生令得自智入佛知見開示悟入是
時毗盧遮那如來則告牟尼世尊及千釋迦
千百億化釋迦言吾從往昔修持金剛秘密

菩提法教者是大聖昇殊室利菩薩摩訶薩
是吾先師吾今以說過去往昔師之因緣吾
以爲清淨性號毗盧遮那與一切衆生作菩
提根金剛之性吾則爲本源自性性金剛聖
智種子故則是時釋迦牟尼如來說此經畢
已是往昔毗盧遮那如來清淨心出現大聖

昇殊室利千臂菩薩金色身顯現修行加持
秘密性海法藏令一切衆生悉皆得入是瑜
伽大教王經說出顯演毗盧遮那祕要深密
法性經三藐三菩提世尊說此經以爲深妙
之法金剛秘密海藏大乘瑜伽金剛菩薩三
摩地經亦時毗盧遮那如來說是大聖昇殊
室利秘密三摩地四

室利秘密三摩地教法者與一切有情衆生
從往昔因地之時引發衆生修習成就無上
菩提今說昇殊承佛五智尊聖性金剛三十
支三密三菩提令一切菩薩及一切衆生修
入速疾迅悟玄通證入佛心金剛聖力聖性
菩提如來三摩地故已前一切成佛者盡皆

修此最上大乘殊勝法教速成佛果菩提也
於是世尊次釋說經之根宗本義是時釋迦
牟尼如來自說往昔過去微塵數劫等如虛
空盡於法界不可說不可說久遠已前世時
一切諸佛如來因地之時作菩薩修行五智
尊金剛灌頂大曼荼羅三摩地法五頂金剛

界總攝一切法金剛菩提三祕密三十支三
摩地法教者則介時毗盧遮那如來付囑曼
殊室利令傳授與一切菩薩摩訶薩為師上
首觀照指趣迅疾證入玄通智觀入一切佛
心證毗盧遮那法身智身清淨聖智法界海
性則是時毗盧遮那如來流出五智菩提一

切法殊勝總持一切三摩地根本祕密總有
五門攝一切法大乘修多羅同一切佛心三
藐三菩提玄通勝義祕密法教云何而行次
第依說聖旨趣求修學觀照得入此法門
一者牟尼世尊說入阿字觀本寂無生義是
毗盧遮那如來說為往昔釋迦千百億化釋

又

五

迦成道時此佛因地作菩薩時如來為與說
此阿字觀修入根本清淨無生門 二者牟
尼世尊說入囉字觀本空離塵義是阿闍如
來說為往昔千百億降伏魔民無畏超勝自
在佛說是佛成道之時此佛因地作菩薩時
如來與說此囉字觀修入圓成實相無動門

三者牟尼世尊說入跋字觀本真無染著離
垢義是寶生如來說為往昔千百億降伏貪
根普滿常足自在佛說是佛成道之時此佛
因地作菩薩時如來與說此跋字觀修入法
界真如平等門 四者牟尼世尊說入左字
觀本淨妙行義是觀自在王如來說為往昔

千百億降伏瞋根無量壽無忍自在佛說是
佛成道時此佛因地作菩薩時如來與說此
左字觀修入妙觀理趣淨土門 五者牟尼
世尊說入曩字觀本空無自性義是不空成
就如來說為往昔千百億降伏癡根難勝慧
明自在佛說是佛成道之時此佛因地作菩

薩時如來與說此曩字觀修入成就金剛菩提解脫門 尔時說如是五如來法教次第說五佛觀已則是時釋迦牟尼如來說一切諸佛菩提根本五金剛五頂聖智菩提解脫門一切諸佛菩薩賢聖之所入處一切初心菩薩及一切衆生之所修證觀行成佛處一

切大梵諸大帝釋四天王等及諸聲聞四部弟子衆善男子善女人等之所修學成就無上正等三藐三菩提處佛告大衆諸大菩薩摩訶薩若有初發意菩薩及一切四部衆善男子善女人等若發菩提心者身殊室利菩薩當有誓言我有十種諸佛無盡甚深大願

所有一切菩薩及一切有情衆生入我願者則是世尊諸佛之子亦是我父母於意云何我有先誓大願依我十種大願者先為父母兄弟姊妹妻子眷屬得令富貴果報圓滿兄弟弟恭慈心不殺聽學大乘讀誦經轉教羣品願至菩提我亦作師僧子弟和尚阿闍

又

六

黎同學伴侶受我法教學我威儀取我禮節令發勝願迴向大乘學習菩提漸成佛道於是我作他作大臣官長理務世俗一一清正於國忠孝悉共有緣歸向菩提得值三寶令發菩提之心云何名為無盡十種甚深大願一者大願若有一切衆生所生三界或我作

他作隨緣受化四空五淨之主八定四禪之主梵王六慾之主帝釋諸天之主四天四輪之主諸神龍王之主八部鬼神之主守護佛法之主伽藍宮殿之主四大持世之主金剛堅牢之主護國善神之主大國小國之主粟散世王之主統領諸軍主都攝所守主所有

水陸四生胎卵濕化九類蠢動一切含靈同生三世願佛知見或未聞我名令願得聞及聞我名於我法中令一切有情盡發菩提迴向大乘修無上道若有衆生以法藥世醫救療諸疾歷數算計工巧博易世典文筆歌詠讚歎講論戲處導以度人隨類同事接引世

俗令發菩提正見正授共我有緣得入佛道
二者大願若有衆生毀謗於我瞋恚於我刑
害殺我是人於我自他常生怨恨不能得解
願共我有緣令發菩提之心 三者大願若
有衆生愛念我身欲心見我求得於我於我
身上於他身上盛行諛曲邪見顛倒及生淨

行不淨行諸惡不善願共有緣令發菩提之
心 四者大願若有衆生輕慢於我疑慮於
我枉墜於我誑妄於我毀謗三寶憎嫉賢良
欺凌一切常生不善共我有緣令發菩提之
心 五者大願若有衆生賤我薄我慚我愧
我敬重於我不敬於我妨我不妨我用我不

用我取我不取我求我不求我要我不要我
從我不從我見我不見我悉願共我有緣令
發菩提之心 六者大願若有衆生常生殺
命作屠兒魁膾毆獵漁捕怨命現前更相殺
害無有斷絕世世相報殺心熾盛不生悔過
賣肉取財自養性命如此之心者永失人身

不相捨離報對如是令發菩提之心若有他
人取我財物我與財物或施我財物我施財
物所得財物及不得者於我有緣令發菩提
之心 七者大願若有衆生供養我者我供
養他者或我造他造寺舍僧房伽藍佛塔禪
房蘭若獨靜之處或我造他造一切功德及

造菩薩諸佛形像令他布施修立福祐徧於
法界迴向一切諸佛菩提令一切有情同霑
此福及有他人自己朋友同伴師長弟子修
行苦行節身斷食持戒破戒有行無行和尚
阿闍黎教導稱說聽受我教我受他教同行
同業共我有緣令發菩提之心 八者大願

若有衆生廣造諸罪墮於地獄無有出期經
無量劫受諸苦惱從地獄出生於五趣先作
畜生將命還於前生負物作駝驢猪狗牛羊
象馬奴婢僕從償他宿債累劫陪命還他偷
盜無有休息我於五道隨形受化常生同世
教化於人或作貧窮困苦盲聾瘖瘂最下乞

人於一切衆生衆中同類同緣同事同行同業導引得入佛道共我有緣令發菩提之心九者大願若有衆生縱恣身心我慢貢高故於我法中汗溼佛法師長弟子無慚無愧用僧佛錢菩薩財物殺生偷盜邪行妄語綺語惡口兩舌鬪亂縱恣貪瞋不揀良善劫奪他

入六

八

財詎諱慢人不識善惡廣造十惡一切諸罪死墮阿鼻入諸地獄從地獄出輪還六處入生死海諸趣惡道願共有緣同業同道隨緣化變當以救之令得出離共我有緣發菩提心求無上道 十者大願若有衆生當於我法若我有緣若我無緣同我大願則是我身

共我無別行四無量心心等虛空廣度有情無有休歇願達菩提登正覺路大聖昇殊以聖性願力不入三界亦不出三界心如虛空常在如來清淨性海真如藏中安住法界徧在衆生心識體性昇殊室利言我有大願以聖性力加持有情令罪垢消滅得入菩提諸

佛聖果則是名菩薩十種大願如是昇殊發廣大願已三千大千世界六種震動天雨昇陀羅華遍滿虛空其時大會諸衆盡見其華同時讚歎昇殊大士聖力自在不可思議不可言說介時諸大會衆咸皆歡喜信受奉行是時釋迦牟尼世尊從摩醯首羅天下降闍

浮世界在舍衛國中祇園精舍於大道場在大會衆有百億菩薩摩訶薩衆有七十億阿羅漢四果衆有六十億諸大梵王一切諸天衆有五十億帝釋一切三十三天衆又有四十六億四天王衆又有四大轉輪王有三十五萬衆又有修羅龍神八部鬼神夜叉二十

又

九

萬四千衆又有虛空非虛空曠野諸神鬼有十五萬衆又有山岳川原池河海樹林草木華果藥草神及有一切地水火風神有百萬億上首衆復有十六大國王并餘小國主比丘僧比丘尼優婆塞優婆夷四部弟子等善男子善女人一切衆生有七萬億衆是時釋

迦牟尼如來在大會衆中據百寶師子之座
入百千金剛三昧放法界金剛寶燄光明皆
作金色靡不周徧千百億三千大千世界海
世尊復從定而起安詳熙怡微笑是時大會
衆中有十六大菩薩摩訶薩昇殊室利菩薩
爲於上首從座而起繞佛三匝在佛一面長

跪叉手合掌向佛而白世尊如來安詳微顏
熙怡在三昧時大衆久未知如來說何因緣
演何教法而應廣度一切衆生佛告昇殊室
利十六大士菩薩摩訶薩等吾當爲度一切
法界無盡衆生等如虛空示過去未來現在
世界三千大千一切刹土一切菩薩衆一切

聲聞衆一切大梵諸天衆一切龍神八部衆
一切諸天鬼神衆一切帝釋三十三天衆四
天輪王衆一切四部弟子衆善男子善女人
等如來言吾當與大衆等說昇殊室利往昔
久遠因地已來共十六大士菩薩摩訶薩從
初元首教諸菩薩及一切有情衆生修學如

來瑜伽金剛菩提三密門三十支三摩地法
教修入證悟諸佛金剛菩提真如觀門世尊
言吾今顯說昇殊等十六大士菩薩摩訶薩
往昔因地修持諸佛如來昇茶羅祕密三摩
地殊勝金剛菩提三密聖性功德之力擬欲
令諸一切菩薩修證入金剛三摩地佛告大

會一切菩薩摩訶薩及諸聲聞苾芻衆四部
弟子等如昇殊修行一切諸佛如來金剛三
摩地法無有比度不可說不可說不可思議
如是諸大菩薩衆等言今復世尊說金剛三
摩地無有比量者有幾種法如來言法有十
等何者爲十一者假使如世間劫火起時燒

三千大千世界經于七日其火洞然猛燄極
熾於世界中洞徹無邊如來在中安住金剛
三摩地不加功德諸力自在任運清涼坦然
安泰平等清淨常樂我淨是故三摩地法甚
深奇特善哉善哉無可比校
二者如來向洞然猛燄在大火之中住金剛

三摩地者經行坐立一切行住無有障礙如
來端嚴高顯金色威力之身光明殊特影蔽
一切諸惡趣門無有雜穢悉皆清淨是故如
來三摩地則有甚希奇特之法

三者假使如上世界乃至大洞然之火如來
在中入金剛三摩地得閻浮世界廣博嚴淨

譬如自在天宮以如來自在力盡得清涼則
是世尊住三摩地甚希奇特之法

四者三界火然大地通同洞然熾盛如來在
中住金剛三摩地時自然得感有流泉浴池
名華輭草細滑青翠如迦遮隣地觸輭清淨
氤氳香氣不可有比如來在中安住自在神

力甚希奇特之法 五者如上火徹下下
火徹上悉皆洞然如來在中住金剛三摩地
時自然入功德水清涼浴池沐浴如來何者
為八一者心得快樂如入禪定二者輕安三
者輭滑四者澄靈性淨五者無諸穢濁六者
清瑩淨徹七者常飲安善八者名飲無患消

十一

十一

除煩惱得常樂清淨則是如來聖力甚希奇
特之法六者世間大火洞然不休不息如來
在中住金剛三摩地坐卧安禪自然快樂和
暢輕安如清涼之風來飄佛身譬如清淨之
水沐浴身心適性安隱快樂清素無有譬喻
如人極熱得遇大樹厚蔭涼風吹體悅意安

樂三昧聖力無比不可思議盡皆清淨如來
聖性甚希奇特之法 七者假使大千世界
大火洞然如來在中住金剛三摩地自然涌
出清涼池沼出大蓮華有無量諸華以為眷
屬其華氛氳香潔無勝光彩映發如大日輪
晃耀無比如來在中不可譬喻觀者悅豫歡

喜開悟進趣菩提不可說盡則是如來甚希
奇特之法 八者上有大火下徹閻浮滿中
洞然熾盛赫奕如來在中住金剛三摩地自
然安坐入于三昧快樂無比量同虛空自然
出現有大香園出妙鮮果復有五種殊異之
華嗚鉢羅華芬陀利華般頭摩華俱物頭華

摩訶曼陀羅華五彩映發香潔鮮明異種殊妙不可稱計見者歡喜自然證得三禪適意悅樂無盡則是如來甚希奇特之法 九者假使百千世界大火熾燄極盛無邊如來在中住金剛三摩地坐立行住安禪在定自在神用聖力無比自然現出百千諸佛百千淨

土不可思議如來聖性令一切菩薩觀現神力修入寂滅菩提究竟金剛佛地常樂我淨則是如來神通自在甚希奇特之法 十者假使無極劫火熾盛猛燄無有休歇燄火洞然如來在中入此金剛三摩地自然如來現出阿耨大池於其池中出大蓮華百寶妙色

莊嚴相映暉曜如日世間無譬不可名說其大蓮華徧於三千大千一切法界靡不周徧其華晃耀放大光色等如虛空忽有聲音如來本所有大誓願當令無數諸大菩薩一切衆生悉令證入毗盧遮那真如法藏清淨性海金剛三摩地速證無上正等菩提則是如

十一

十二

來金剛大智甚希奇特之法是故如是世尊說有十種金剛三摩地甚深殊妙之法不可校量不可譬喻於是今時佛告一切大會諸大菩薩摩訶薩當知如是一切如來異瑞殊勝甚希奇特勝妙之法是一切諸佛如來先世修持金剛三摩地祕密三十支三菩提法

教無上果力聖慧大智成就一切諸佛法教阿耨多羅三藐三菩提令一切有情衆生悉皆證悟得成正覺是故如來語曼殊言如是佛金剛三摩地者汝當自爲一切衆生應當說之曼殊室利辭退聖言不敢對如來前自說聖教是時世尊領受曼殊如來自說則告

之言曼殊室利汝於往昔當爲法界有情一切衆生令發無上正等菩提之心云何修持如來金剛三摩地者其教甚希奇特不可比喻不可說盡不可校量則今時世尊重語曼殊室利言汝當與大會之中一切菩薩摩訶薩及一切有情衆生自說本因大願聖行佛

刹功德莊嚴諸佛淨土成就一切諸大菩薩
得菩提時令諸菩薩從汝聞是甚深妙法殊
勝之義曼殊室利重啓如來而白佛言世尊
大慈下顧垂愍若許我說我則說之世尊告
言吾當許汝是時曼殊室利則對如來前及
對大衆前便入于金剛三昧三摩地以無礙

又

十三

天眼徹見十方三千大千世界無量微塵數
不可說不可說佛刹世界一切諸佛世尊諸
大菩薩摩訶薩一切賢聖如此諸佛菩薩盡
皆得是曼殊化度成佛令得阿耨多羅三藐
三菩提其時大會諸大菩薩及一切衆生亦
得一時同見曼殊聖德化度顯現一切諸佛

是時釋迦牟尼如來則告大衆言非是吾勸
發菩提之心皆是曼殊室利菩薩往昔勸發
菩提悉令滿足得阿耨多羅三藐三菩提盡
皆成佛是時大會衆同聲讚言歎大聖曼殊
室利久殖德本導引群生大衆等深敬曼殊
不可思議不可譬喻又更其時曼殊室利在

大衆中又當稽首重白世尊言我有大願復
如來加被於我今更對世尊前不起于座但
以化身徧於十方微塵數佛刹世界爲諸有
情一切菩薩摩訶薩而爲演說如來大乘瑜
伽金剛三密門三摩地教對於大衆我今顯
現令一切菩薩摩訶薩及一切有情衆生修

入此瑜伽金剛三摩地證無上正等菩提者
當來盡願成佛是時曼殊室利菩薩對如來
衆會之中現作神通廣度他方群品法界衆
生依說先願真實不虛是故則師子勇猛雷
音菩薩則於衆中從坐而起於世尊前作禮
長跪叉手合掌向佛而白世尊言曼殊室利

當來總願一切菩薩及一切有情衆生得成
佛者曼殊室利當來自成佛名何等佛令得
一切衆生盡成佛果曼殊室利成佛名何等
字 有何名號師子勇猛菩薩則對如來前
白曼殊室利仁者汝爲於大衆說當來成佛
名號之者於意云何曼殊言語師子菩薩止

止不須說我今不敢對於如來自說當來成佛名號。曷殊有辭再三不敢自說。尔時如來則為大衆一切菩薩及一切有情衆生則告師子勇猛菩薩言善男子吾今與此大衆說曷殊室利當來經無量劫導引群生後乃成佛之時。號名普見如來及一切有情衆生當

又

十五

來成佛亦同彼佛名號。何以故。普見如來自願力普使十方微塵數有情衆生憶念我名之者。則得一切普使得見。既得見已。不假功力。罪垢自然消滅。決定則得普當成佛。號名普見如來。是故一切善男子菩薩摩訶薩。誓當深信。勿作疑念。若無疑念。則得十方諸

佛悉皆助護。手摩其頂。修證菩提。是時如來告言。師子勇猛菩薩。若有一切有情衆生不信是語者。無有是處。則是此人。近從地獄而出。先世曾作盲龍。瘖瘂之身。何以故。生生世世不得見佛。常墮地獄。作畜生之身。輪迴四趣。無有停歇。如是之人。不可教導。亦不忠誨。

是時一切大衆聞如來說普見如來成佛利益。一切衆生功德圓滿。福力甚多。大衆等深生慚愧。諦信諦信。渴仰信受。世尊所說是時。曷殊室利菩薩更對大衆前。再白世尊言。我今本自有願。若我在世及滅度之後。其有衆生及一切菩薩。若稱普見如來名號。及念我

又

十五

名者。一切重罪及謗方等經。悉皆消滅。無問一闡提罪者。亦皆滅盡。總當成佛。曷殊室利。其實不虛。一切大衆咸皆信受。又曷殊室利。重白佛言。今我復有大願。若我共一切衆生。修菩提時。於我刹中。若諸菩薩及一切有情衆生。生我世中。初生之時。衣服飲食。卧具。四事所須之者。隨手而出。若出得已。將此衣服。飲食。卧具。先當供養諸佛。如來及諸菩薩。然後當自受用。尔時曷殊室利自說本願。已一切菩薩及一切衆生。深生諦信。則當信受。歸依奉行。是故獅子勇猛雷音菩薩摩訶薩。更再重請如來。世尊說於後世末法之時。依何

而行云何修習世尊告言獅子勇猛吾當爲汝分別解說善男子當來之世閻浮末劫佛法將欲滅盡之時若有一切菩薩及一切有情衆生從初供養將七寶珍物飲食幡蓋種種供養七俱胝恒河沙微塵數十方世界諸佛塔廟舍利形像者經於千劫若有菩薩及

一切衆生學曷殊室利菩薩法教行願者行經七步其受福利功德多少不可校量殊特無比勝前菩薩供養七俱胝諸佛塔廟功德百分不及一乃至筭數譬喻所不能及何以故示以如是世尊爲大衆說修學曷殊室利菩薩行願功德極多最勝超越無量無邊所

以者何曷殊室利是一切諸佛如來金剛本母所以從曷殊菩薩金剛般若身心生一切諸佛菩薩是故世尊說一切菩薩修行曷殊室利行願功德福力甚多勝前菩薩供養功德何以故供養寶塔者則是各有漏之心如此功德有限有量菩薩若修學曷殊室利行

願秘密教者則是修持如來金剛無漏之心無限無量是故則得速超佛地諸佛法身是時釋迦牟尼如來說曷殊室利菩薩摩訶薩往昔修行教諸菩薩及一切衆生修學大願功德聖力聖性殊勝無比其時大衆一切菩薩摩訶薩四部弟子善男子善女人等盡皆

歡喜信受奉行次則當說一切諸佛菩薩修證聖智功德法力故是時釋迦牟尼如來在祇園精舍大會道場內告獅子勇猛雷音菩薩摩訶薩吾對大衆會中諸菩薩摩訶薩等付囑如上所說過去三世一切諸佛金剛菩提三摩地教法付與曷殊室利菩薩當與十

又

十六

六大士菩薩爲於上首傳授與一切菩薩摩訶薩及一切有情衆生令證如來聖力加持進修一切如來金剛三密菩提實相法性三摩地經教及修如來聖性觀者獅子勇猛言云何名爲實相法性三摩地經教云何名爲如來聖性觀者則獅子勇猛及諸菩薩同共

稽首如來而白世尊為我等分別解說我等諸菩薩及遠世來劫一切有情衆生依如來言教進修奉持一切諸佛聖智法性瑜伽金剛祕密三摩地經教及修持如來聖性觀者佛告獅子勇猛等說此經是一切諸佛大乘修多羅一切經之根本祕密法性三摩地經

教汝當奉持精進修行其時如來與一切大衆及諸菩薩說此修多羅一切經之根本祕密法性經已登時一切世界及閻浮提忽然廣博嚴淨變為金色空中百寶旃檀之香香風吹樹衆鳥和鳴皆作梵唄之音是時有此瑞相殊勝奇特佛世未有世尊則告獅子勇

猛等汝當奉持如來說此經教師子勇猛一切大會衆及諸菩薩等深生悚愧不可思議云何奉持修行如說此經今時世尊則為師子勇猛等及一切菩薩摩訶薩說此大乘一切諸佛瑜伽祕密金剛三摩地根本經教於此經宗及體都有二門云何說此經宗體有

十一

十七

二門一者清淨實相為宗二者真如法界為體云何清淨實相為宗說經之根宗本有三一者毗盧遮那法身本性清淨出一切法金剛三摩地為宗二者盧舍那報身出聖性普賢願行力為宗三者千釋迦化現千百億釋迦顯現聖慧身流出曼殊室利身作般若母

為宗次第即當說二者云何說此經體如來真如法界為體於意云何根本聖體有五者者本源自性清淨聖智金剛聖性為體二者無動大圓性鏡金剛菩提為體三者平等性金剛法界為體四者如性觀察理趣金剛聖力智用為體五者成就菩提聖性金剛慧劍為體如上所說若一切菩薩應當志誠修學速證佛地是故如來說宗體已即當云何名徧如來一切聖性之觀菩薩若修如來一切聖性觀者世尊說一切菩薩及一切有情衆生有十種纏縛身心大難障故若能修持聖性觀者先須當識心地體性無明纏縛若應

不識即被蔽覆心性聖慧道眼則不能開故其纏縛性者甚能微細障於菩提先當識心十種纏縛身心障蔽大難之者云何則得通達進修無上菩提若菩薩現修觀行者須於大師受法阿闍黎邊決擇十種纏縛身心速達聖性悟入菩提則當修得如來聖智聖性力觀達證菩提金剛解脫如來法身云何名為十種纏縛一者由性慳嫉常網其心纏縛蔽障令心邪見不得正悟是名纏縛障礙二者由無明影蔽之所障礙慧眼難開妄惑覆翳是名纏縛障礙三者煩惱迷悶貪瞋邪見處處計著不能信正墮愚癡坑深著世網名為纏縛障礙四者貪愛五欲駛水常流感障迷心垢重纏縛無明漂沒無有歇期是名纏縛障礙五者味魔死節相續無休邪箭所中盛年夭喪名為纏縛障礙六者忿恨密煙之所熏焯於心眼中被所翳障是名纏縛障礙七者貪欲熾火恒所燒然虎狼之心四向义

义一

六

撮名為身心纏縛無明障礙八者飲惡魔酒悶醉蓋心喫過失毒藥惑亂狂走是名纏縛蔽障身心九者五蓋惱害常被遮礙覆正智心難可解脫名為纏縛不得開悟十者苦海大河六道四生輪迴五趣無能間斷慳貪在心常受飢饉出生入死墮於地獄無有絕期是名纏縛不得解脫是故十種纏縛者蔽覆身心障難修持不得證入菩提佛果如是此教令一切菩薩摩訶薩及諸有情衆生修入如來菩提聖性觀云何證得聖性觀者菩薩志誠修持心地三性三無性除去惑障十纏蔽覆而得解脫如來則當具說修證開通心地總有三義一者三性三無性二者智起即慧用三者心動則心眼見云何名為三種之義一者於徧計所執性者向淨識性中微覺智起則是慧用徧計所執於慧用照寂則智用寂照證慧用寂滅如何得滅徧計所執若覺智無起相名了證慧用寂靜則滅徧計所

執其性清淨如何證依佗圓成實性依佗起性者心皆依色而起圓成實性者無有所依心性無託諦觀無用心性瑩徹寂靜無動性如瑠璃內外明淨則是名為見性無動心證寂靜名為三性三無性菩薩若修證得如來三無性聖性觀者則是除去十種纏縛適然

又二

素

解脫則速達本源自性清淨菩提涅槃故是故如是一切大眾諸大菩薩摩訶薩四部弟子善男子善女人等聞佛所說歡喜踊躍得未曾有信受奉行

又二

大乘瑜伽曼殊室利千臂千鉢經卷第一

大乘瑜伽金剛性海曼殊室利千臂千鉢大教王經卷第一

大興善寺三藏沙門大廣智不空奉 詔譯

二者說諸佛出現證修金剛菩提殊勝第二品是時釋迦牟尼如來告曼殊室利菩薩言吾今啓請諸佛如來令聖力加持一切菩薩摩訶薩進修一切如來金剛三密三菩提法三

又二

一

摩地觀令諸菩薩心等虛空性如法界廣度有情無盡眾生又令曼殊室利菩薩摩訶薩與一切菩薩一切眾生作為導首是故曼殊室利菩薩對世尊大眾菩薩前告言若有一切菩薩及一切有情眾生志求無上菩提修持真實佛金剛聖性三摩地一切法者一切

法即是一切有情心是也為有情眾生心地法藏有煩惱種性煩惱種性則是菩提性者有情心處本性真淨空無所得是故有情心是大圓鏡智心處是也菩薩於圓鏡智心作志求用功觀照大圓鏡智心性覺證寂滅即得了悟心鏡瑩淨瑩淨達空即心證平等性

智證平等性智者通悟達性本性實空證入空中心心心性如如性體地名入如如智則證妙觀察智也得入如如性清淨聖智獲得金剛成所作智者證菩提性成就聖智也是故則名四智菩提玄通觀智入一切佛心金剛三摩地聖智相應則名瑜伽三密門三十